

飴山文集



831037

鉛山文集卷之八

墓誌銘二

慈我王君墓誌 并銘

江都慈我王君余執友也病且革屬其孤曰非趙君之  
文寧墓無誌也是時余客江南不相聞北歸過其居則  
君已葬矣乃追次其行事以慰其孤庶無負於地下君  
姓王氏諱易字義文其先陝西涇陽人大父諱大孝始  
移家江都而涇陽之故里曰雲孟其山有嗟我者亦名  
慈我君之考名堂以懷孟君亦自號以山其志一也考

鉛山文集

卷之八

一

諱可久以文行著娶近氏實生君君在孕五年有六月  
生而髮覆面幼好跌坐聞梵唄聲則喜嬉戲皆倣釋氏  
法咸識其有自來矣性慧異甫經口授雖千言不失一  
字長嗜讀書工為文詞每遠近名流集其家競相賞譽  
一日命之賦詩君援筆立就時紀映鍾在坐遂以愛女  
妻焉既為揚州郡庠生試必冠其曹久之貢於禮部然  
十應鄉試卒不售才氣鬱鬱無所發恒鬻弓躍馬顧盼  
自豪年垂七十始罷舉其自贈詩云壯心欲試常調馬  
習氣難忘是著書道生平略盡矣君於詩耽好甚篤穿  
穴唐賢不屑屑時尚以比興諷刺為本余一見遂訂交





焉曾訪余山中留止頗久新城王司寇見其文筆欲羅而致之門下君毅然拒之蓋其素守如此其所由不售者歟既不能事生產久益貧落而意氣不減好為不平之鳴人有過必面折之故與俗寡合孤行已意朝夕吟誦以終其身君生於順治戊子四月八日卒於雍正癸卯十月十九日得年七十有六子振甲能傳君之業亦為名諸生五孫曰淳曰濯曰潤曰瀾曰清塋君於郡城西偏之金櫃山君知青烏家言來山中時以大意示余余今方圖歸藏之地猶奉君之所授也於君之墓何能惻然爰掩涕而為之銘曰

飴山文集

卷之八

二

生與人異矣遇合安得同性行莫非古也固宜其處今世而窮詩篇寥寥兮余後寧無知者江山清且麗猗何羨乎嗟峨之下



江都王岸圃先生墓誌并銘

嗚呼余誌岸圃先生之墓而深有慨也自昔有大德者不必食厚報享遐齡者不必獲令名而先生兼之世豈復有是人哉謹按先生諱復衡字山公別號岸圃姓王氏本太原之世也自周迄秦而與瑯琊別族東漢彥方公始居太原之祁九世而為晉北中郎將藍田侯坦之二十世而為梁征東將軍僧辯游歷唐宋傳代久遠名德相接史不勝書明初有金吾正千戶福二者以佐命功世襲錦衣占籍儀徵垂四百年於茲矣由金吾公而下七世為文學公諱昆是先生曾王父也王父明經公飴山文集

卷之八

三

諱世輪以儒行顯考諱業濟文譽尤優太學生贈內閣中書始遷於江都先生少穎異好學早遊庠序聲動一時順治末貢入太學康熙中授內閣中書先生弟邀恩例為親榮不復求仕進家法脩整為一郡所推子孫既多莫不攻苦窮經謹厚制行去時習遠矣而科第森然並起第二子誥以進士入翰林督學四川卓有名績官至司經局洗馬兼脩撰封先生如其官先生初無溢色也敦篤內行長姊適車氏夫死於兵姊矢節不二先生迎於家事之盡禮年九十餘乃終季姊適林浪遊不歸先生亦迎姊且教育其子二十餘年如一日居喪致哀



歲時祭享必誠必敬年彌高而彌不倦焉尤好施與宗  
黨中貧者周之病者醫療之死者棺斂殯葬之戚友  
或以孤幼相託者先生力為護持遇患難則以身任之  
務安全而後已至於脩葺祠廟育嬰救生諸事有觸即  
行不計其費雖棄產弗恤也儀徵有排年里長一事為  
民大患且十餘年蓋他邑所倚辦於公者茲獨取諸里  
民名項猥襍科斂橫濫其始沿故明里長之號日益而  
歲新之相呼曰五股差徭一曰徵二曰解三曰漕米四  
曰鳳米皆正供也每當其時上自長吏下逮胥吏輿皂  
於常額外恣攫貨賄人人視為固有五曰雜派則大兵

飴山文集

卷之八

四

大役奔命送迎及送柳河工茫無定數隨事取足而已  
計通邑十四里歲出萬五千餘金貪吏喜於自肥其或  
稍知脩飭者以備非已作時久勢重非力所及豪強積  
蠹又從而堅持之上官有問則曰民便之也吃如功令  
不可動搖萬姓嗟咨比戶離析先生仁結於心義形於  
色會海內底定政化翔洽大吏皆以廉能自見於是痛  
切言之無少顧忌隨牒往復首尾五年中間事勢紆曲  
或巧避其名而陰存其實則申訴益力至於再四必得  
當而後止積弊洗然乃立石縣署之前絕其芽蘖到今  
四十餘年省民間金錢近百萬邑之老幼恒對其石而



泣下嗟乎世風日漓矣登仕路者徒知財利耳孰有優  
閒林壑從容琴酒而肯冒不測之謗損無限之貲以為  
民請命如先生者求之古人豈能數數然哉天乃報以  
遐福得壽八十有六歲康強無疾有子十一人孫男三  
十有四人曾孫男二十有九人五世孫男二人女稱是  
婚嫁莫非望族蓋並世所希有也先生生於故明崇禎  
庚辰正月十八日卒於雍正乙巳十二月十七日以雍  
正己酉某月某日與元配盧恭人合葬於某地余久客  
江南屢遊二邑飽聞先生大德又與先生第三子文範  
第九子文奎以詩結契今二君不遠二千里請為先生  
銘山文集

卷之八

五

誌余竊自惟比之蔡中郎之於郭有道反有愧色何者  
文不足也然不可以已則因狀次述而系之銘曰

繩祖武為德於鄉復觀彥方子孫盛多邁荀之龍競  
步江東天豈難諶仁必有後太上不朽大江盤迴永奠  
斯土以名萬古



例贈文林郎邁干王君暨楊冷二孺人合葬墓誌

并銘

琅琊在諸城縣王氏以望名於古今今居縣之相州里者家聲赫然冠海岱間而余同年友汝敬宮允及其弟三人為最著宮允伯也與叔總憲季主政先後登朝獨仲君不顯余恒疑焉今觀仲君之子所述知君之行義及夫人之節與德與識乃知天之故靳之者蓋將以大其後也謹按君諱沛懃字汝才別字邁干始居相州之祖諱庠六傳為君之曾王父諱允升王父諱恢基為名諸生考諱鉞由進士知廣東西寧縣有奇績三世並以館山文集

卷之八

六

總憲貴

皇贈資政大夫通政使司通政使妣隋太

君以上三世並贈夫人君生而質厚重不佻為學政苦與兄弟列鄉校文譽相埒已而兄弟各得上第君顧屢躓塲屋遂棄舉子業壹意色養終其身未嘗離膝下也隋太夫人卧疾君假寐榻前七閱月無少倦居喪幾至滅性而事父益謹再遵大故君年已五十餘猶為孺子泣積毀羸勞克成塋禮甫踰歲而以身殉之矣昔之人所謂死孝者歟余前識君之兄弟康熙乙亥訪宮允於家適太夫人危篤以間更出咸憂瘁無人色於是始見君也聞其素豐肥乃存皮骨爾余洒然加敬倉猝遂別



却後二十餘年為康熙丙申余重過宮允則君逝已十年矣宮允自言頃嘗病肺勢且殆君旁皇流涕終夕不寐乃知灼艾分痛今亦有然言已淚下余為悽感久之君二子聞余至出拜見年逾十齡矍然秀異與語文字悉已曉徹余謂是伯叔父之教也宮允曰不然其母節而才能成就之故及此余益聳異今又十五年宮允亦久逝余病困伏枕而君之二子以書來告哀將合葬其母於君之墓乞余為誌余乃知君元配楊孺人賢而無子冷孺人繼室也實撫槃而生柯宮允昔所稱譽為不誣也孺人出膠之儒家幼嫻閨訓歸君時翁已耄事之

館山文集

卷之八

七

大得歡心未幾佐襄大事門內上下無違言君性好義於羣從及交舊揮金贈產者非一事孺人每欣然助成之及君身後孺人綜理內外督率耕織家以大起其好義施與無改於君之舊焚券無算御下尤有恩買婢得許字者久既知之必呼其夫至昇以衣飾而合焉婢僕之母貧而病者必收養之里中殘廢者曲為周給不使失所佃有負租過多者以女來償孺人曰何至是乎并其租免之僕或竊君之珍玩久反持詣孺人求售者有識之曰故物也孺人訶以為誤卒予直以去其為人所難類如此楊孺人之父故為清河令卒後家敗數十年



存殯孺人曰吾繼其女後即女也以禮葬之是尤不讓  
古人風烈矣撫槃甚於已出而課責誨誘之如一一應  
鄉賦不第跪之連下泣而數焉先是有無賴子與君奴  
爭財當門大詬二子憤且泣孺人曰汝曹不能自奮故  
鼠子敢爾不憤於學怒何耶二子因能自淬厲雍正癸  
卯甲辰連舉賢書薦入仕版孺人微色喜戒曰勿滿也  
楊孺人有女厚資之適馮氏中年劇病孺人憂之百計  
治療不能救孺人竟以悲慟致疾而殞聞者莫不太息  
總憲為粵西方伯遇 覃恩捨其子而廕柯柯聞之

喜孺人愀然曰叔特以慰未亡人爾汝將以門廕止乎  
飴山文集 卷之八 八

柯愧汗謝罪嗟乎當勢利薰心之會而能引古義以折  
愛子期之於遠大雖堂堂士大夫中豈易有此哉今孺  
人之葬也方家門鼎盛之次累世交知布在朝列名公  
鉅卿指不勝屈矣而獨遠請於衰落昏瞶之余一若非  
是莫不朽其先人者益足以覘君之夙尚而孺人平日  
之教二子超出於流俗之外猶河漢而無極也余安得  
不强為之詞君生於順治六年十二月七日卒於康熙  
四十四年九月十二日年五十有七楊孺人前七年卒  
年四十有七同葬於營馬村玉屏山之陽冷孺人生於  
康熙十六年正月十二日卒於雍正八年十二月二十



四日年五十有四合葬以明年十一月十一日銘曰  
令德之門其人彌敦其風益上其壺儀以尊既彰而藏  
其歸也淳以佑啟後昆屏山亭亭濰水混混巨海不改  
名闕攸存

飴山文集

卷之八

九



處士秦君暨元配鄭夫人合葬墓誌并銘

日照諸生秦露將合葬其親走七百里詣余請為誌墓之文余知秦氏於其邑為鼎族生好學篤行有聞而不習其親之事及觀生所述為之心折曰是何藉余文余文將藉以為重生之考處士君諱驥占妣曰鄭夫人按秦氏之占籍日照也在明初由東海遷世力田以德自晦五傳為君之曾王父肖東先生諱嘉祥家始大起以剛勇好義顯名嘗以巨舟泛海載豆至蘇州遇逆旅人家有大禍非千金不解先生哀之計所載之值頗相當遂舉而贈之徒手北歸方明政不綱魏奄流毒天下邑

飴山文集

卷之八

十

中有其黨魁橫甚先生力抗之屢挫其鋒魁恚陷先生數瀕於死不為屈後竟殲魁邑人至今快焉生贈公諱允晉以孫國龍貴 皇贈通奉大夫福建按察使公始以讀易耕自公至露四世彬彬盛文苑皆為名諸生顧不肯依阿苟進故多不仕者有子八人第三即君之父諱頴倜儻有祖風好周人急遠邇無識與不識咸樂投之族黨倚以為重時僕區之令嚴急犯者家立盡山左以千萬計惟邑無一人株連者蓋皆其力云生九子君其最幼者也少沉敏讀書惟觀大意長從諸兄為舉子業非其好也嘗一試於學使者不見錄輒棄不復為



天性孝友始孤甫二齡諸兄各析產去君獨依繼母以  
成立既授室所卑田宅不及諸兄二十之一與鄭夫人  
閉戶食貧以古誼相敦勉好交遊待賓客甚厚無覺其  
貧者惟第五兄元敏心憐之而難為力則為君道析產  
時狀具文字草訟牒曰第訴之官引我我助女君陽諾  
鄭夫人止之曰君平日志趣云何乃為此等事耶君笑  
曰我心也竟無一言親踈莫不宗仰或有謂其不能治  
生者君曰顧吾不屑耳是何難遂謝絕外事率僮僕力  
耕畜牧三年家大饒會歲凶荒斗米千錢富者競居積  
自肥君歎曰吾有穀而視人之死可乎悉其力煮粥掩

鉛山文集

卷之八

十一

駱罄所儲乃已鄉鄰德之有盜夜入長子寤室盡攫其  
貲君曰必不知為我家也置勿問踰三日有夜叩戶者  
稱有急入則首伏曰誤取郎君物今送還君讓之曰奈  
何辱吾鄉盜叩頭且泣因遠避他境數年復歸洗然為  
善士矣君素不以技勇聞偶射必命中見人挾彈引之  
輒落飛鳥里有貴介子多力好凌人衆中值君言小不  
合即揮拳欲毆君提其領而擲之隕絕數步外良久乃  
甦匍匐謝過自是改行君才行若此而不見知於世後  
以居生母憂毀甚病卒年四十有一鄭夫人者父諱鼎  
銓其族在邑為最舊以經史教於家時推耆宿夫人生



數歲父異之與言古賢媛行事及歷代得失故夫人不知書而諳識古今擇壻甚慎既歸君孝事姑早昇家政內外井井能以勤儉成夫子之志君卒後綜理益整訓諸子讀書為文期有用不可以剽賊偉科第求師友務核名實或於千里數百里必親為治裝有至於家必優禮苟非其人則切責諸子甚則使婢逐之暇則援引史傳言行命為儀表諸子久不達或於邑必告之曰人貴安貧知命若非道強獲終必覆敗吾恥之且負汝父矣露為邑令成永健所知待以國士久之憫其貧欲以三百金資其生計夫人辭不受又欲旌夫人之節夫人不

飴山文集

卷之八

十一

悅曰吾豈求梱外名者力拒而止性正而和閨門以內上下雍穆恩禮交至與娣姒處無疾言遽色從子婦以下化其慈愛凡數十人事夫人並如母焉從姑牟氏者性峻不可犯秦族敬憚之惟與夫人洽其子女有微忤非夫人莫能解一日怒其二子逐之戒羣從無敢收收即仇我夫人獨曰豈可避忌一時任子弟流亡於外乎潛令引二子匿書舍中居數日度其母怒稍平則身往伺顏色婉詞諷諭姑感泣呼子還如初夫人恒稱曰風過則波平大風之日少當持之以靜嗟乎安得君子長者之言豈非惟其有之故能終身以之歟御下寬恤嘗



嫁一婢不得所每以為恨曰吾誤聽人言至此周給之  
終其身歲饑導家人曰今以二日抵往者之一日其所  
贏足以活數命矣鄉人受其惠者咸謂處士猶在也方  
君之卒也出於倉猝諸子尚少夫人經營葬事不踰歲  
而髮盡白又二十五年乃卒可謂情至義盡無憾於始  
終者夫人生於康熙癸卯六月初八日卒於雍正庚戌  
九月初二日得年六十有八君生於康熙乙巳二月十  
五日卒於康熙乙酉八月十一日子霽雷霈霈露霈能  
文而前逝君先葬某地今露與其兄弟改卜於某山之  
陽以其年月日安君於新兆奉夫人合葬焉禮也銘曰  
飴山文集

卷之八

十三

世與古違迺生哲人為人倫式也爰有高節光於一室  
艱貞其德也鄉邦交崇赫矣禮宗史官其慝也有子克  
荷顯不以位永諸金石也幽宮萬古山拱海涵配地無  
極也



翰林院庶吉士伯績張先生暨元配相孺人合葬

墓誌并銘

同年老友張先生數往來余家以康熙己亥秋病遂卒於城南之梵舍子孫守視含殮以禮方患難未平乃奉先生柩厝於城北之莊距其家七百里歲時有上塚者今茲乾隆戊午始移柩歸葬來者為第五孫邦綜長曾孫汝楠拜余前且泣曰先府君病依於公歿於公殯今墓門之文誠不忍他請余曰不恤我矇也乎無已取先生第四孫邦綸所述俾誦一聽因追憶平生所知者并為次述口授而書之按張氏萊陽之望也先生高王父

鉛山文集

卷之八

七

明嘉靖中進士官至大理寺卿有名績諱夢鯉曾王父諱嗣誠由進士官山西按察使司僉事王父諱載徵官尚寶寺丞考諱董潤以明經知陳留縣妣官孺人繼何孺人生三子先生其長也諱禹五字伯績生有夙慧尚寶公竒愛之甫學語時指耳目心口手五字教之越數日再問無誤者當明末之亂邑殘於兵何孺人獨與官孺人遺女逃匿先生僅六齡聽之乳媪乳媪被殺先生從積屍中識路返其室眾莫不異之長而好學為諸生才名籍甚試必首列康熙戊午舉於鄉明年己未中會試壬戌

廷對篇幅宏暢閣中諸老交譽之以第一



甲進士出身改庶吉士癸亥丁何孺人憂時陳留公已  
老矣戀戀晨昏不復出其後居陳留公喪哀禮無闕前  
後並有聞凡家居十載壬申赴 闕癸酉 御試國

書不中程罷歸田里乃力脩內行先是始祖遷自樂安  
世明農未有譜牒陳留公乃與先生共成之先生又於  
累世之墓表石以示後人仲弟黃玉困躓場屋先生為  
稱貸入貲得司訓汶上季弟齊玉一子早夭先生以第  
三孫邦綱後之何孺人孤姪幼無所依先生撫之使成  
立里中明季孫御史鳳毛者歿未葬 國初其子又卒  
於官家凋落先生并經紀塋之陳留公業師左翁之子  
飴山文集 卷之八 五

仕不遂其子無寧居先生皆代襄大事如禮再入都時  
值故縣尹施姓者客死旅邸先生即為棺斂其敦尚氣  
誼遠近宗仰然性不能容人之惡以故鄉里讎人多怨  
之適縣令黃某與先生有郤積久愈深衆共嗾令誣先  
生不法事巡撫中丞疑不奏久之中丞後至者始視事  
黃令賂老吏禱先生訟牘於前政大案中趨奏之先生  
遂避地遠出轉徙南中游涉山左境通十有六年其卒  
也以八月二十六日戌時距其生之歲前戊寅十月十  
二日辰時得壽八十有二先生長孫邦經侍先生遠出  
者安厝既畢即自投中丞許言前狀遂收繫牒下府縣



驗先生病瘞得實送邗經萊陽事乃得竟先生元配相孺人海陽青州府教授天簡女德著門內有志節謂子若孫曰先人之誣未明歸葬勿亟既而子元墩積悲憂成疾卒相孺人年至九十二又卒邗經念王母言走京師圖申雪值今上御極仁恩四沛冀有端緒矣忽迨危疾殞命汝構以其櫬返計畫無復之乃共成今此之舉將於十月二十四日瘞先生於縣城西二十里桃源莊之新兆相孺人祔焉其心甚苦而其事甚難悲哉先生自少負氣有胆決見義必為順治中家有朱姓者江都人也逆奴指為故明王子將興大獄先生以間走

館山文集

卷之八

六

二千里至邗上具詳其先世曲折還訴事立解是年才十六耳陳留公稱之不容口及里居遇事風發邑中有不平者輒倚以為重城垣頽敝舊例聽民人脩葺而官不問至黃令欲以庫藏代民財身董其成然後計工責償規取大利先生力持不可令祕饋五十金為壽拒不受事遂寢而令銜之矣壬午秋東方大水沒稼令欲以歲稔報先生爭之聲色俱厲令計沮不果行益恨先生刺骨多方撫拾務成其罪然羅織無實朝野皆知其枉若即訊可盡白而先生恥於對簿獄虛懸中丞亦悔之未幾劾黃令貪黷不職下吏論死會赦得未減以去先



生亦在赦中自顧不能委曲於胥吏之手甫畝訟連仰秉憲者鼻息以求寬釋故寧甘輾轉道路以終其年蓋有東漢烈士之風焉晚在二三故舊家子孫得更迭省侍先生不問家務惟飲酒論古今義氣雲湧如少壯時恒攜所著歷代建元錄自隨識者賞之未行於世病困時余與言往事及禍難之由但大笑曾不芥蒂也余少先生二十四歲以兄事之而先生循翰林故事執後進之禮始終無間者四十年寄厝於莊者二十年今以廢疾不能目送先生歸旆臨文殆無以為懷也銘曰

孝友為政豈汲汲於服官信義由心故勇往而直前何飴山文集  
卷之八  
七  
同室與鄉鄰咸被髮而纓冠人則賴之而身罹其患雖奔亡困頓以沒世乎其至剛以直之氣長存於山海之間



中憲大夫福建臺灣府知府退菴馮君墓誌并銘

益都故臺灣太守退菴馮君葬於縣城南雲門山西同郡趙執信為之誌曰君諱協一字躬暨退菴其晚所自號太子太傅文華殿大學士兼刑部尚書馮文毅公之第三子也其先世以文獻為北海推重具在明史及青州府志妣曰一品夫人房太君慈母穆恭人以君得贈君幼育京邸聰敏著聞長工文筆應順天試一不售語人曰丈夫貴自表見胡爭此區區者為因隨例謁選人初授浙江紹興府同知賊巢也其役率率與賊通君按其罪盡逐之更募健者充替而重為賞罰格不旬月威

飭山文集

卷之八

六

令大行摘發如神有數人夜聚孤村塗面將出健卒奄至擒之論如法盜駭散境內無警攝山陰令糴糧歲逋日積邑大姓陰主之有俞某者隸撫臺仗下久共為奸利君方據案責問催征吏某闖入為吏解抗聲引撫臺以自雄君曰隸何敢然趣執之左右莫前君怒自起摔之階下予大杖數十即日渡江訴撫臺則摘隸畀君君枷著街中令曰糧完免死逋者懼相牽率兩月畢輸兩臺才之舉卓異擢江西廣信知府治上饒縣兵燹之餘版籍亡缺田賦淆亂占田多者漏其賦賦半屬無田者積負十萬有奇逃亡相繼無所責償君欲用清文法與



更始而期未屆堅請於上官許焉君命先疏見田其無  
賦之田聽自首首後起科不咎既往更隱漏者寘重律  
頃之田盡出君遍歷田所量之使與賦協定為新籍悉  
刊去有賦無田者姓名會 恩赦下逋賦盡蠲公私

大快頌歸於君遷將及矣而文毅公薨於里第君聞訃  
亟發其民閉城門遮留之良久乃行傾城出送涕泣奔  
走者累日既抵家長兄病篤君獨任大事繁細始終一  
不他諉禮成物備聞於海岱間服闋補廣東廣州知府  
粵之首郡經逆亂盤踞人懷疑貳君智馭而德綏之驟  
得民和屬縣相沿歲派數千金納之令為顧役直不問

鉛山文集

卷之八

九

其出入號曰均平非 功令也君嚴禁絕之巡撫蕭公  
永藻素清峻於屬吏中獨器重君每有委任一守藩司  
兩攝轉運咸著聲績連州生搖作亂至煩 禁旅君獻  
四策於制府用之俄而定兩臺稔其幹略合疏請用  
為雷瓊道部格不行後以小誤鐫級去官士論惜焉家  
居篤於內行敦倫睦族戚黨歸心尋入都復所鐫級再  
補福建汀州知府汀士不知學君創書院資生徒講誦  
其中親課其文藝由是始有科第寧化縣武生曹祖乾  
者聚族一村性並獷悍祖乾與其四子尤兇狡倚衆橫  
行陰蓄異志其人四出誘結奸民乘歲旱遂大肆劫掠



張旗幟焚村落勢洶洶鄰邑無賴蠡起應之寧化戒嚴  
君聞之詣鎮將謀發兵出不意易撲滅也將猶豫君以  
免語挾之乃夜出三百人君人犒一金令疾馳猝至祖  
乾惶急奔迸并其子及兇渠數輩匿深山中其黨散處  
者數百人皆銷聲滅影無敢枝梧遂不戰而平更懸重  
賞募生致祖乾等有樵人自言知其匿處鎮卒易服為  
村叟狀隨入掩之盡擒以出會訊具伏君則遣吏往亂  
許宣言曰爾曹無恐罪已定矣數人而已聞者潛自安  
既而按誅祖乾父子及同匿者餘一無所問上官推君  
首功欲上

聞時方清晏諱言兵革亂既消弭不復

鉛山文集

卷之八

二

敢張皇其事君患重聽又妨奏對僅載其勲勞於海隅  
黎庶之口已矣君引疾請謝事兩臺不許反調之知臺  
灣府君航海遇風危而獲濟於是自號退菴云因俗濟  
和化行徼外前守創例民成丁以上者每名歲入銀於  
府為船政需君曰是又均平也亟除之恒巡行屬邑宣  
布 朝廷威德使民諳法令習禮讓華風郁然居二載  
重聽愈甚聽斷多誤况未有子退志遂決申前請至於  
數四經歲不移乃得歸抵吳留止子愿生焉然歲必一  
還青州理家政內行敦睦有加於昔族雖踈屬必時其  
吉凶緩急量為拯濟不待求請弟姪中落者屢周之無



倦色揚州守肅先公之冢孫浪跡江淮以歿其故同僚  
挾詐欲傾其貲不得則訟之撫臺望君為區畫因并誣  
君達於制府紛糶不已君從容置辯事狀分明不可奪  
而肅長子又異及君季弟顥爭先後被誣陷益都令訊  
治頗急南北搆難君悉力撐住奔命往復數年始獲寧  
息人咸謂微君則文毅公之緒墜矣年七十盡室北返  
城東三里先公所授莊是宋王沂公別墅君於其中作  
池亭恣閒適樂而忘老於其外自營生壙成繼室吳恭  
人適卒則引前卒元配徐恭人之柩同窆而水見顧愿  
曰後當改卜未幾君無疾下世愿得今兆以禮安君遷

鉛山文集

卷之八

三

附二母遵治命也君生於順治辛丑八月十日卒於乾  
隆丁巳十月二日得年七十有七又明年己未十月三  
十日而葬兩恭人家世才德并子女婚嫁具愿所述中  
茲略焉余與君少通世講終締婚姻衰老愈親情逾同  
氣君遺詩余序之墓門之文其何忍以不為况愿勤請  
爰系之以銘曰

世韋平學埒龔黃績惠洽威行嶺延海溢才踰於位德  
稱其年剛柔交克邦家無怨和鳴應卜光耀孫子保於  
雲門以昌厥嗣



候選國子監典簿八叔父墓誌并銘

君諱作謀字耳臣從大父觀察公子也吾趙氏自始祖  
來宅於益都之孝鄉九世而曾大父中大夫公始通籍  
於朝觀察公繼之是生君於京師之官舍生十歲而  
觀察公出分臬湖西更分藩東粵關右河北歷二十年  
君莫不從在關右時以恩授國子生在河北時以

恩授國子監典簿方需次也觀察公擢蒞八閩留  
君於家遂以病卒其年冬觀察公解組歸又明年將塋  
君於虎山之側命銘於余小子余小子自惟生晚君又  
里居日少懼有闕遺然不敢辟匿謹以素所知見及侍

鉛山文集

卷之八

三

於諸父聞之者再拜而志之君至性孝友其事觀察公  
時飲食親藥餌道路無怠與羣從兄弟處甘苦共之意  
藹然過於同生及偶有咎失必正色言之正而後止與  
人和易雖至寒陋無所凌忤或在衆中言笑終日無覺  
其為貴介者御下有恩多所周卹鄉人德之卒之日巷  
哭者數百家好為文章於諸父中為家方觀察公之官  
京師也詩文名譟甚綴作無虛日君每私效為之輒有  
風氣長而從宦四方探徃跡觀名山川雲霞水木城邑  
舟車都麗繁會靡不搜攬由是識益高所為詩歌氣體  
溫厚律調精嚴上追唐之作者餘體亦諳習法度遠於



流俗復敏甚嘗雪夜與客拈九字詩點筆立成座皆驚  
嘆多材技彈琴投壺六博蹴踘之事皆精練尤妙於弈  
飲酒可終夜不醉貌清癯余大父嘗曰是子神痺而多  
自役吾憂之竟以致疾初觀察公得君晚無他子愛之  
不深督責君顧自知奮後君亦三十無子君常鬱鬱在  
河北連舉二子歸里復舉一子長者尤俊異觀察公所  
鍾念及被命入閩以道遠且險命君携家里居不  
獲隨侍非其意也其年秋被病明年小愈方擬獨往會  
三子同時病痘殤其二君痛倍常情諸父兄弟以理教  
譬之君嘆曰某非不知但如萬里老父何以是增劇遂  
館山文集

卷之八

三

不起時康熙甲子元日也距君生之歲順治戊子得年  
三十有七次子名執璫今六齡女三人娶房氏善撫其  
孤持家嚴諸母敬愛之猶足慰觀察公目前云君早慧  
行多與人異坐一室時時自言笑類別有知者未疾時  
城南一桑門素無賴死經日矣復甦言於人曰趙公生  
我起詣君謝遂痛自改悔事頗涉怪故不詳記焉銘曰  
豐於才絀於壽永令名他何有揚幽光裕厥後與山雲  
長相守



太學生濬鄰叔父墓誌并銘

嗚呼余小子乃遂誌我叔父之墓而為之銘叔父諱作  
哲字濬鄰先大父明經公之第四子而先曾大父中大  
夫公之第十孫也先大母翟太孺人與先大父齊年四  
十三歲而生叔父由是篤愛之性靜重寡言笑不為驕  
奢行稍長就外傳讀書沉默有思致稟質素弱多疾病  
不因之自廢十八歲學成補博士弟子每試輒前列至  
三十一歲援入太學未幾先大父見背既罹毀痛復為  
家計所縈遂棄舉子業娶於翟先大母之再從姪女生  
女子九人子執瑒一而已先大父母每以子少為嫌叔

鉛山文集

卷之八

五

父獨能均所愛教督之皆如一大父逝後數年叔父年  
四十復舉一子時瑒已受室前生一孫叔父極欣快謂  
足以承大母之歡踰歲並天叔父悲悼甚至形貌日瘁  
疾遂深初叔父與我父及諸伯叔也始終無忤色待諸  
子姪以迨僕御無疾言雖有譴怒不留於心家庭間歲  
時禮會叅坐終日不妄嬉笑飲酒多不亂至於羣從讖  
集山水花酒之次招邀再三竟不一赴異姓之交不一  
二人閉戶間居澹然而已以故親族多不相識世俗謗  
議亦無由被之終坐是無以陶憂導鬱以致大年又操  
履清儉衣服飲食器玩悉以真樸為尚既自知疾病不



欲以藥餌損饘粥長幼咸以為言因循不果用竟致不起年四十有四耳大母以痛叔父之故踰年而亦棄養矣悲哉余小叔父八年先後同在家塾既早通仕籍不相見者十餘年中間以出使之便暫歸省覲叔父相送至濟上余為援例及余被放還山又七年所而為嶺海之遊飄泊踰歲叔父以丁丑二月逝余至五月歸里竟不得永訣悲哉今執殤謀以戊寅之九月塋叔父於鎮城西五里域城莊之新阡泣謂余非兄無誌我父墓者余亦泣而為之辭不自知其言之無次也銘曰

含光去垢惟臣叔兮履貞行儉門內獨兮垂休裕後無  
不足兮墓門葱葱原山巖兮

鉛山文集

卷之八

五



儒林郎候選州同知九叔父墓誌并銘

康熙四十有六年春三月葬叔父荃子府君於鎮城西  
莊之新阡而以元配韓安人繼室翟安人祔禮也從子  
執信泣而為誌墓之詞曰府君姓趙氏諱作楫字載公  
亦字荃子先曾祖父中大夫公之第九孫先叔祖父岐  
叔公之第三子也中大夫公名位勲績頗著於世茲不  
具錄岐叔公以府君遵例

恩贈儒林郎府君母安

太君封安人生母魏氏府君幼而通敏性與俗殊讀書  
務領竒趣弱冠入太學歸從鄉試連不得志於有司恒  
與同里名輩及子弟為文會相與心競往往掇高第去

飴山文集

卷之八

三

執信其一也府君遂奮然棄帖括就幕職 需次無期  
乃納貲邀 封勅為父母榮而絕意不復出矣岐叔

公先二十有四年卒安大君先府君六月卒府君執喪

有聞魏母後府君兩月卒今乃克葬則孤子執中率其

弟執鞭執玉成府君之志也府君意興蕭澹不拘曲謹

類魏晉間人好飲酒能詩及書嗜古鼎彝書畫賞鑒精

審旁及博奕雜戲具皆入妙品嘗自謂交不必擇酒不

可少飲不可不醉蓋近於達生者之言晚以飲致疾終

不自悔以畢其生今距其卒之辛巳歲凡七年距其生

之辛卯歲凡五十有七年卒之歲得年五十有一元配



韓安人淄川己亥進士知東安縣韓允嘉之女繼室翟  
安人同里兵馬指揮翟延祺之女執中翟出也執鞭執  
玉側室曹氏出女子二人婚嫁不詳載執信少以文字  
為府君所愛登第後與府君一聚首京師既還山日從  
府君飲及府君之歿執信方他出今得廁執紼者之後  
勉從執中請次府君生平時方有從兄與妻之喪濡筆  
之下追念疇昔不自知其悲也系以銘曰  
行則阮塋非揚厚厥植久其昌原之山永相望



太學生季父仔大府君墓誌并銘

康熙辛丑之春執信客吳門得季父仔大府君凶問以病不能奔赴喪次迨秋兩孤弟以書來請曰卜得吉壤待兄為誌墓之文乃塋嗚呼執信而誌季父則安忍然孤弟也又烏可以拒則涕泣而叙述之府君姓趙氏諱作齊字仔大先曾王父中大夫府君之第十二孫先王父拔貢生府君之季子也出於劉氏先王母翟孺人撫之如己出蚤歲為諸生壯年入國子學娶於同邑兵部尚書仇公維禎子貢生彭壽之女生二子執璋執琬以疾卒於庚子之十二月距所生康熙壬寅五十有九年

飴山文集

卷之八

七

耳今以辛丑之十一月十二日塋於鎮城壯先高王父之塋之西南地曰中嶺嗚呼已矣府君質性敏慧幼而多病不能刻苦因亦不樂仕進獨脩行於家連在先王父前肅然無違顏奉先王母誠於孺慕始終如一居喪咸有聞事所生母斟酌恩禮之間不失尺寸諸父早世與先府君友愛無間此其大節也與羣從兄弟若子姪油然相遇亦無有狎侮親黨閭里間處之澹漠至於貴勢貨利者避之若恐浼郡縣長吏之庭終身未嘗一涉也歲時佳節惟從先府君遊處飲酒歡笑他招邀亦不往春秋村墅經理農桑每短衣獨騎脩然往來暇則閑



門竟日對一壺把一編歌嘯自得而已於技藝細碎之事經目即解若夙習然亦不自矜炫其異於俗者如此執信與季父生同年在家塾同几席筆硯及執信官京師間濶者十載既被放後相依於家又三十年於諸子中神氣契合未有能過者而歿不侍於側墓不從於列顧以筆墨次季父如路人爾嗚呼悲哉臨文失聲強為之銘銘曰

完然于家行靡有缺夷然於世意殊不屑毀譽莫加風流頓歇幽宮斯存保諸奕葉

飴山文集

卷之八

无

飴山文集卷之八終



飴山文集卷之九

青州趙執信

墓表 神道碑

內翰林秘書院檢討豹岳唐公墓表

太史豹岳唐公之葬大司寇新城王公為之誌余既書而納之埏隧矣越明年公之子行學將為公樹墓門之碑請余為文余勉以應復為書之謹按公諱夢賚字濟武豹岳其別字也始祖諱克明以軍籍來淄川曾祖諱思仁祖諱士卿世以德隱父諱曰俞字彥開學行名一時娶於邵感夢生公故以名公少穎異傳其父學十二飴山文集

卷之九

一

歲喪母能哀與禮稍長私為古文詞驚其鄉先達弱冠舉順治五年省試明年禮部奏名賜同進士出身改庶吉士八年授內翰林秘書院檢討會中旨以化書及玉匣記付史館譯進公奮然抗疏請輯聖賢經世大訓以裨治化其曲說無益當斥遠之輔臣以其言切且非諫官止之不可既入留中於是館閣咸重公矣九年

請急歸葬行有期矣御史張某者以外補怨執政上疏反噬竟干重典而給事中陰某者依倚形勢煽動其間公深惡之疏糾陰不職叵忤要人意奪官放歸同時清流交章乞留不可得公怡然返田里年未滿三十也國



家始建官一倣勝國公列禁近風采峻上慕李時勉羅  
倫之儔小蹶不振遂畢其身論薦表章所不及悲夫事  
彥開公及繼母畢孺人色養無方終身無違為異母弟  
夢師力營田宅而代任其租賦鄉黨稱焉所居志壑堂  
與高念東侍郎鄰比相與刻情放跡略去時世習至桑  
梓利弊公獨熟計而詳言之長吏咸信嚮行之為縣大  
利垂三十年尤留意經濟不以幽潛自廢著銅鈔疏備  
邊策禁糴說諸篇高公謂可以救世惜無由見之施行  
中年出遊值閩中林副使嗣環者客死武林貧不能葬  
子壯未室公雖與同年初未謀面遽解橐葬之且為其

飴山文集

卷之九

二

子娶又同邑高世豪公所同舉於鄉者也知南鄭坐虧  
帑繫而死妻子當入官公募健者七日夜走二千里徧  
貸於師友為完之卒免其妻子其行義邁古如此晚歲  
穿穴經史兼精二氏有志壑堂集三十二卷行世王公  
稱其文近於蒙莊詩近於大蘇識者皆以為篤論云年  
七十有二無疾而終葬於淄城之西原公所自營之兆  
子女婚嫁詳具狀誌

表曰公登朝早果銳敢言有似喜事然以視萎媵咋舌  
之徒固已邈然矣若其文章雄博有氣不與流俗同今  
之居史藏者縱不如昔人所譏假手請字妖偽百品試



與公繫量長短相去蓋可知也公以寒官終斤猶能惠  
其邑里使竟其用豈徒以才華顯乎要之公必能傳於  
後不與目前爭此區區者謹書以示過墓之君子

鉛山文集

卷之九



山陽劉君墓表

有君子人者行脩於家生不遇於時歿而世惜之余以  
為世則可惜不足為其人惜也余友山陽劉君篤行君  
子也好學工文終不得一第年未六十輒以病卒余家  
去君千里久不相知聞今復至山陽則君既歿且葬矣  
諸孤環拜涕泣請為表君墓之文於余是烏能以已乎  
君諱永禎字紫函姓劉氏淮之望族也曾大父自靖贈  
文林郎大父昌言由進士官宛平知縣贈奉政大夫父  
愈進士工部屯田主事叔父始恢亦進士吏部文選郎  
中君少以名諸生拔入國子學始侍吏部於京師大母  
飴山文集

卷之九

四

王宜人就養官舍吏部以奉使不當逮入非所君權辭  
於大母曰公事急不可歸言笑一如平日曉則趨入禁  
城調護於叔父無不至或城門未啟即卧於地霜雪常  
滿衣首尾四十日事乃解繼侍父於工部父驟病危甚  
君內嘗湯藥外應賓客晝夜不解衣帶者累月病良已  
而王宜人卒於家凶問適至君潛泣曰是不可以聞吾  
父則詭為大母念父書語甚切工部見之即日請急歸  
舟垂至家乃徐以告工部體勝毀得如禮識者稱其權  
以濟孝古賢無以過也父叔知其才識委以家政君酌  
於俗準諸禮事事得其理內外戚黨咸推服尤睦於同



姓待子弟嚴不少假借聞君警咳莫不震悚爭相勵以學行大江以北稱家法之善者必首推劉氏惟君持之既以勞悴致疾喪愛弟永祿哭之慟遂不起嗚呼德成於孝而身殞於友可謂難也已矣君承家學早有文譽又從其婦翁閻若璩共考據遂周知古今喜為詩初入都名大噪同時才士皆出其下然工於逢時者各已騰上去而君不肯易其所守卒不得志以畢其身余與君遊三十年每共論書法君深造矩度間出所為文脫棄俗轍與年俱進而心日以下余愛且重之往來南中每主於其家嘗誌君母夫人之墓矣今蓋深知君之行義

飴山文集

卷九

五

而能言之非惜君而從世之見亦非私於諸孤而曲徇其所請將取信於來者焉



德州貢生復公金君墓表

安德固多誼士余舊識者盡矣頃歲與金生英遊知其  
先人復公君者孝友篤行君子也惜乎年不酬德既葬  
而生請余為文以表其墓余惟

今天子方以至孝

為治海內蒸蒸嚮風如君之行當上之禮官載諸國史  
以為敦倫善俗之助此有位者事也若夫紀述其美勒  
之貞珉俾其州里遠邇稱頌不衰或過其墓者流連而  
不能去是則能文者尸之余何敢辭謹按金氏州之名  
族有明之季有仕為陝西右布政使者諱煉君之曾大  
父也君之考諱庭進娶於郝實生君君諱樞復公其字

飴山文集

卷九

六

有弟三人皆繼母陳出君性敏慧兒時喪母郝知號痛  
長好讀書以心疾不能窮其業年二十即承父命秉家  
政君力疾綜理出入無私內外井然父歿哀禮無虧  
親族稱之侍陳曲盡誠敬陳亦忘其為非已出也待諸  
弟友愛無不至叔弟疾困手為煎藥至竟夜不寐其勤  
篤蓋出於天性人無間言年三十有二而卒卒後其弟  
病中恒思之而泣每歲時吉凶有所感觸陳為流涕久  
之則其所感之深可知矣娶趙氏與君同德克勸內政  
無少缺侍陳盡禮視君存日如一教英勤學取友動有  
法則英用是能自成立年五十有八而卒與君合葬余



中歲往來南北過德州無不留其賢豪文士無不識君所娶趙氏蓋余之宗人也以故君之行誼不俟英言而已知其大概矣近以老病卧深山中與世杜絕而英漸知名頻以詩寄政於余復走五百里遊余之門將返則手君之狀以請余念君之孝則慨然於世風而心敬之聞君之友則內傷於薄俗而心愧之雖殫精紀述故不足以為君重輕也然余之篇咏謬為知交所重久矣而安德諸君子尤愛余書法今余甫左氏之疾但強為文詞不復能握管抽毫還其舊觀庶有稱於今而取信於後昔人所云臨文嗟悼有以也夫



通議大夫前掌河南道監察御史涇陽劉君神道

碑并銘

通議大夫前掌河南道監察御史涇陽劉君卒於京師舉朝公卿庶僚莫不惜君之才而位不稱又去其位海內人士交於君若相知愛與未謀面而聞其風義者咸悲君之遇而痛其年之不能待以究其用也君始為史官期以文章圖報稱天子既知之矣則改言職未及稍建白輒試之於外復能有所表見矣則隨衆罷斥既斥而不忍棄諸其家則留之典文翰其長終不可掩會當嚮用之矣而君遂死嗚呼其可悲也乎君之弟

飴山文集

卷九

八

泌視君之瞑將以君之喪歸葬於其縣則使君門生濟南劉伍寬持行狀走千餘里至於太山之陰亂山之中請君執友趙執信文其碑執信與君生同年官同僚獨以文字相結契出流俗外而放廢亦同賴居山中貧且病得後死而為君之碑也乃審慎次述系以銘俾泌刻於君墓曰君諱灝字波千先世山西洪洞人始祖諱世安明初遷於涇陽子孫家焉十傳有諸生諱源潔者是為君高王父源潔生處士丕基丕基生文煒累贈通議大夫君之考諱儀恕由舉人積官至平陽知府君其長子以孝友稱於家配韓氏封淑人子男方模君之卒也



年五十有一方模適七齡矣君年二十有七成進士改庶吉士尋授翰林編脩非次得充日講起居注官

典湖廣癸酉鄉試得人最盛換監察御史出巡長蘆鹽政首劾去大吏按治私販渠魁威惠大著部牒欲增鹽引君抗疏拒之且致書順天巡撫李安溪公云不可使言利之端自我輩開士大夫傳避其言咸引領君且騰上旋以憂去服闋補官未幾會刑部都察院大理寺以用法不當一日罷數十人君與焉獨被命與諸翰林脩廣羣芳譜既成上之上大喜使吏部敘君勞

命君扈從者再又與脩康熙字典書成獨蒙

銘山文集

卷九

九

上賞歎僉謂且復不次用君矣而君病竟卒於寓舍蓋君之驟侍講幄特換御史及以廢官典編纂從

車駕皆他人所謂異數而實與君無加焉君之詩古文書法逼古名人與其他技能類皆在天下人之目與其口無庸執信知其必傳於後世也銘曰

彭城令望自晉徂西兼霍之靈與華之竒世載厥德天與之盛以克有君賢乎難並荀龍馬常惟君為良聲溢成秦遂達帝鄉高第羨官忽如掇拾是何羨哉才不可及公幹駿異真長標鮮矯然獨鶴栢府木天詩不愧豪書將希聖學海無垠君恣游泳天之生才意固難量縱



之無極靳之無方仕而寂寂閒乃碌碌隱顯殀壽一無  
所屬宦成而落財殖而窮返君之初浩然太空墓門峩  
峩華山之下後來高流慨焉繫馬

飴山文集卷之九終

卷九



飴山文集卷之十

青州趙執信

行實 行狀 行略

中大夫福建提刑按察使司按察使先叔祖韞退  
趙公暨元配張淑人合葬行實

嗚呼先觀察公謝世八年於茲矣方公疾病呼執信於  
牀下命之曰即余歿爾為狀請當代之文而習余者誌  
墓俟爾弟之長也乃葬執信泣拜受命蓋公所生亡叔  
一人諱作謀已前逝孤孫執璣時十二齡耳僅而執喪  
未幾執信亦遭先太孺人之變因循久之未能操管復

飴山文集

卷之十

一

念公歷官中外四十餘年名德茂著政績爛然而所至  
幕中不蓄賓客弟姪又罕隨侍亡叔早世無所編錄雖  
執信暫侍公於京邸及放還田里三四年所恒在側間  
以為言而公性重默靳自誇詡及嬰篤疾欲問不忍數  
年來咨訪故舊叅互見聞什不得四五每及於此未嘗  
不泣然出涕也悲夫今執璣既長有室家矣乃與諸父  
兄弟謀以今年葬公又計當世之文無踰新城王先生  
而先生與公累世交契周旋最久習亦無踰先生者執  
信狀公而有所不知先生其知之况執信學於先生者  
也雖荒略敢以為請公諱進美字疑叔別字韞退先世



蒙陰人始祖諱平明初遷益都之顏神鎮七傳至先高王父龍溪公諱課

皇贈中大夫陝西布政使司叅

政高王母李氏贈太淑人先曾王父暨垣公諱振業明天啟乙丑進士官監察御史

國朝仕為山西督糧道

按察使司僉事舉天下方面卓異

賜衣遷江南布

政使司叅議備兵廬州平英霍山賊之亂引年歸晉封中大夫陝西布政使司叅政與曾王母封太淑人李氏皆壽踰八十同里大學士孫文定公為墓誌公於先王父兄弟之次居四幼沉敏七歲從先曾王父宦遊壑誦之餘輒擬為詩古文詞曾王父見之出以示客咸大驚

飴山文集

卷之十

二

稱聖童十四補邑諸生十五而學大就左史兩漢唐宋諸大家之文皆能成誦十七應丙子省試舉第一由是名噪海內矣丁丑下第歸始婚於張氏庚辰成進士榜下譽藉甚與萊陽姜如須宋荔裳桐城方密之華亭陳卧子李舒童宋轅文輩以詩名雄視南北授行人奉使江右丁甲申三月之變僑居金陵阻兵亂不得歸尋與荔裳避地吳閭嘉禾間地名吳村蔣灣者轉徙久之

皇清定鼎乙酉亂定乃獲間關以返先是撫按已列

薦於朝召補太常寺博士一時知名士翕然相倚重

故吏部尚書郝恭定公今大學士宛平王公皆及門也



丙戌分校順天試得金侍郎鉉李學士昌垣等六人極  
畿甸之選時故禮部尚書合肥龔端毅公方持文柄亟  
推公一日集並時文士同賦古今各體詩擊鉢立成公  
擅場衆大折服公才名甚盛而守之以謙外和内介不  
苟異同故仕惟平進位不卿宰而亦鮮患禍庚寅擢刑  
科給事中凡有章奏期於崇國體行實政不為矯激不  
輕彈劾

北郊奉配及籍田祈穀諸大典煌煌然一  
代禮文公所請也辛卯頒

詔山西癸巳遷戶科右

給事中甲午轉禮科左給事中主湖廣省試得人之盛  
為是科冠乙未春南宮放榜臺臣有以違例取士為言

飴山文集

卷之十

三

者復有沈姓為蜚語侵闡中事公抗疏請嚴加覆試并  
磨勘試卷且有褻大典而惑衆聽及視科場為竒貨語  
頗犯嫌忌明年出為江西按察使司副使分巡湖西道  
江右新附山賊未靖公駐節吉安所屬永豐及鄰境之  
新淦峽江興國山谷深阻鬱為盜藪公多方偵訪得其  
主領言之巡撫張公張公用公策盛兵據要害而馳檄  
招之賊懼悉降官其魁數人而解散其衆未幾海寇圍  
江寧沿江戒嚴彭蠡以南人心洶洶不自保守令請為  
計公曰無庸視事如常不廢遊宴而陰勒將士守令疑  
之公曰海寇之不能越彭蠡明矣山賊將竊發第防之



不數日賊果寇永豐公日暮聞警即遣兵夜赴之戒以詰旦至至與賊戰大敗之擒其魁鞠得先所招降官會城者交通狀馳白巡撫悉斬之而江寧圍猶未解巡撫徵各郡兵戍彭蠡公私計郡城空虛而興國賊未被創勢必與永豐新淦餘黨合乃上書南贛巡撫蘇公請發勁卒五百順流趨吉安至之明日而興國賊千人掠廬陵之富田殺一巡檢僚屬請往援公不聽曰是將赴永豐山中耳選驍將將贛兵入山邀之行鳥道三日果與賊遇乘曉霧薄之賊惶駭不知所為遂大潰擒斬殆盡奪其俘獲既而戍兵返賊黨離絕次第盡平之初贛江

鉛山文集

卷之十

四

多盜殺人於城下白鷺洲既捕得倖之矣逸其一曰李毛安福兵餉三千金被劫於江中久不得盜彭蠡亦劫某布政使家屬其他雜然者莫可詰公偵知李毛匿處擒之至毛請貸死而為公捕諸盜以自贖許之將士皆諫公徑縱之與期三日果以主名至悉捕寘於法毛復乘間白公不殺盜魁江湖不寧公問誰也曰南贛營裨將郭某公使前驍將率數卒易服入贛擒之於其家而先以書上贛撫謝越境之罪一軍皆驚無敢譁者公訊得實論如法於是客舟有野泊者矣巡撫張公疏奏公功方議內升卿寺而劇盜萬雲龍者破吉水新喻二縣



既獲復逸去公坐是奪俸雲龍展轉楚閩間多死黨一日能知千里外事公百計鉤致越二年竟擒之始免吏議庚子序轉廣東分守左江道布政使司叅政公在廬陵五年積勞成疾張恭人喪於官署益忽忽不樂時曾王父母俱年七十餘公念量移內地或得省覲乃復遠而南由是榮進之志衰矣甫至肇慶防兵以缺餉大譁將為變公單騎至其營諭以威信衆遂定當事者將薦公於朝且屬公藩司篆公力辭以費萬壽表之便北歸而江左道尋亦裁去里居數年乙巳補陝西分守闕西道布政使司叅政恭遇覃恩贈封兩世皆

飴山文集

卷之十

五

如公官闕中寧謚公專務與民休息無所興除尋復奉裁遂里居養親不出庚戌辛亥連遭先曾王父母之變與先王父居喪盡禮族黨至今稱之癸丑服闋甲寅三逆騷動公義不避難乃赴部補江南江鎮道改浙江杭嚴道嚴衢方用兵人為公危之公束裝不顧至則已題補他人矣丁巳補河南布政使司叅政分守河北道大兵四出三郡當其衝供億紛然公多方措置民不知擾戊午詔舉天下碩儒集闕下閣臣首以公名進公

赴京師留滯踰歲於是執信得以公車侍公於邸舍公自以暮年尊宿耻與後進之士爭尺寸欲無入試衆



強之卒報罷既還河北清靜寧一如關西之政所屬或以利弊為請公笑而不答巡撫董公重之恒稱先輩署臬司事安陽民有受偽劄者事覺株連甚衆公當其首罪委曲開釋活三百餘人辛酉河南武鄉試故事學使者主之董公特具奏以屬公壬戌再賚 萬壽表入

都執信適為史官其年福建缺按察使下九卿會推資序才望無踰公者奉 俞旨三郡人士咸以書抵執

信頌公之德而惜其不可留也閩經叛亂多大獄積案牘無論數百公晝訊囚夜治爰書手定獄詞凡三閱月而繫人一空衆稱神明或尤公不以刑名家自隨而自

飴山文集

卷之十

六

苦若是公曰自我先大夫從政三十年未嘗假手於人余亦歷數政豈以垂老倦勤乎村毗有合謀殺人者百餘家皆當坐罪公力申救僅論死數人守巡撫篆惠以綏下吏民懷之總督姚公方取臺灣或為妖書言鄭氏當滅事姚公欲奏之公辨其偽姚公嘉歎謂為老成典型每事咨焉新巡撫金侍郎分校時所取士也公言不及私姚公在兵間稱豪侈既卒於官衆意紛紜公獨凜然潔已以處迨甲子遂引年致政金公留之甚力公毅然不顧踰歲而金公以下皆得罪始服公之明哲云先是公去河北也以閩路險遠留亡叔作謀及其三子於



家明年癸亥三子患痘天其二叔亦寢疾以歿家人相戒無使公知公陰覺之歸計益決以甲子歲暮抵里時執信亦自校士山西歸省猶得迂公於郊也先王父二宜公叔祖隣叔公先叔祖响叔公俱無恙公篤友于之好不以哀情自累與先王父對起亭榭於山郭范泉之上種樹疏池載酒命奕以相娛樂名其園曰怡園好施濟里中飢則為饘粥以濟寒者衣之死則予棺槨鎮之祠廟橋梁道路葺理無虛日負貸者折券無算亡叔所遺女子三人公為嫁其二教執遜以禮法不事姑息自謂遲暮投閒幸有此孫與兄弟羣從樂此餘年足矣戊

飴山文集

卷之十

七

辰先王父逝辛未响叔公逝公皆為墓誌手足之痛既深而孫女適朱氏者喪其壻其適李氏者天亡公夙有胃疾哀恨棖觸日以增劇壬申冬偶感風寒卧病四十日隣叔公及家大人以下日夕侍醫藥竟不起年七十有三嗚呼悲哉公早歲服官特優文譽及在江西乃以兵略自見闕西北無赫赫之名而去後皆見思觀察一政理繁決滯少年能吏所不及初公童年為詩頗好華艷登第後師友漸摩遂踐信陽歷下之庭輦下十年兩奉使出贈答遊覽之篇類為作者所推江廣之間不廢撰述所著清止閣集如干卷久行於世關西以後著



作稍倦歸休後所著雜文數十篇未付剞劂公生於庚申年九月二十二日寅時卒於康熙三十一年十二月初五日未時卜以今年己卯九月二十四日葬於虎山之西北公所自營之兆元配張氏同里總督宣大兵部尚書張公曉之孫甲子舉人聯軫之女封恭人贈淑人靜默有閨德十四于歸善事先曾王母愛之如女隨公居京師復隨之吉安以己亥歲卒於湖西公解年三十有六公文集中稱其儉素不侈均平無妒蓋非溢詞公竟不更立正室淑人前葬於今兆之東數十步今遷而與公合葬子一即亡叔作謀側室陸氏出官監生授國

飴山文集

卷之十

八

子監典簿未補官而卒娶房氏同邑布政使房公之騏女女子二長適同邑中城兵馬司指揮翟公延祺男監生恂前卒側室章氏出次適同里山西趙城知縣呂公維榘男監生炯側室楊氏出孫男一執璲官監生娶歷城湖廣衡州知府張公維垣女女孫三長適大興吏部文選主事朱公敦厚男庠生綬故巡撫宣府僉都御史忠莊公之馮孫也次適長山貢生李公斯孚男教諭可弘前卒次復歸可弘執信自總角為公所竒愛既倖邀鄉薦公在都聞之喜甚寄衣裘及束裝資公車北赴旅舍如歸禮部榜發公酌酒懽笑為之措一切費今筭中



敝朝衣猶公所製也官清署給其旅食之需者三年為  
買宅宣武門外己巳執信被斥返里親族媵咲或以時  
勢相加公待之彌厚事必與議宴遊必招有甘鮮必使  
嘗之病中湯藥非執信言不服也以執璫及門戶為託  
而執信困迫慘阻懼不自立且為公羞悲夫今粗就所  
知於公者謹為敘述不敢負公治命亦不敢為支言飾  
說以欺當世惟先生採擇焉

飴山文集

卷之十

九



光祿大夫刑部尚書鐵菴翁公行狀

康熙歲在辛巳冬十一月十九日光祿大夫

經筵

講官刑部尚書加二級致仕鐵庵翁公薨於里第巡撫都御史奏之 天子下所司 予祭葬如禮於是

公遺孤是揆是平幼受命於其宗之老越明年卜壤得吉謀襄事將有所藉以請於時之文章巨公以為公不朽者適門生趙執信自山東來哭公於寢乃屬之為公狀執信不敢辭謹按公諱叔元字寶林鐵庵其別字世為蘇州府之常熟縣人曾王父石崖先生諱拱極以學行著方葬父而河冰合不可渡先生呼天長號冰應聲

飴山文集

卷之十

十

解時謂孝感王父完虛先生諱憲祥明萬曆壬辰進士起家鄞縣令舉卓異擢給事中居職十二年章疏凡數百上直聲動天下終大常寺少卿考子繼先生諱毓芳少孤值家多難兄遘於危先生破產救之好施與粥糜棺槨無虛日坐是罄其家世講中有官御史出視鹺者先生往將謁之至則已有偽為先生者贈千金去矣先生心知為某負時譽好談理學者也終身不言其名姓先生文甚高而不售竟鬱鬱以卒年三十四三世皆以公貴 皇贈光祿大夫 經筵講官刑部尚書加

二級曾王母王氏王母張氏妣趙氏皆

皇贈一品



夫人公於兄弟之次居二兄祿弟楷公始名梅方生之夕考夢神人以老僧來曰是為爾子且遺梅檀香焉遂以名公字蓋從始名也公生有至性異稟四歲能識字六歲考歿日夜求索啼不已氣絕者再七歲就塾師學記誦如流趙太夫人病背寒公以口呵之七晝夜不絕遂愈會王師下江南郡縣望風瓦解常熟猶未下邑人士咸謂城居便公獨涕泣爭於母兄避地西出既而城破公一門免於難時公年才十三耳時平益發憤讀書太夫人憐之禁無夜讀公闇誦不休文日以工年十八補弟子員家貧甚贅於錢氏錢夫人者有令德每脫

飴山文集

卷之十

十

簪珥質錢以遺姑未幾太夫人病逝公毀瘠幾殆歲又大荒困餓者屢矣服闋年二十四食餼於庠方順治之末江南大吏有綜核太苛者賦稅稍不依期雖錙銖無慮顯官寒士悉劾奏除名公亦在其中由是益大困而兄祿病亡所負於官及私室者以十數官逮繫公徵迫者交至公欲自經會公再從叔父諱長庸者官河南布政使司叅議分守洛陽道稔公才馳書慰公遺百金焉且延公教其子公乃盡為兄完所負事得解而以其餘營葬考妣不足則典衣輟食以供既葬而行不能復顧家錢夫人獨與二女之窮鄉賃茅屋不蔽風雨紡織自



給凡十年公自順天得舉歸始典屋城中以居蓋公之顛頓流離首尾三十餘年讀所為錢夫人狀及自著年譜為之泣下不能止也公既入洛陽署復理其學殖叔父遇之厚為謀進取厚資之使入京師公感其意乃易今諱以識至都謀入太學不得就屬邑及近郡試每被攻逐居久之為永平府所容始獲試為諸生壬子舉於其鄉丙辰捷南宮

上親試於廷策第三人

賜及第授翰林院編脩戊午秋

御試第一旋奉

命典山東鄉試得畢世持等五十有三人多拔之已棄之牘海內翕然稱最盛是執信受知於公之歲也悲哉

飴山文集

卷之十

十一

壬戌升右春坊右贊善兼翰林院檢討癸亥充

起

居注日講官甲子遷翰林院侍講轉侍讀乙丑

上

親試翰林院詹事府左右春坊官於保和殿公名在

第七超授國子監祭酒先是國子生始入監及年滿咨

吏部類有厚餽公謂同官曰生徒執贄於師禮也今以

賄聞殆不可遂禁止之時學政久弛公上疏言三事一

曰復積分舊制國子生月一試取其尤者置一等積十

二一等為及格送廷試授之職後以他故暫停因循

至今夫一州一縣之學皆歲得貢士豈太學首善之地

反不能貢一士於廷出州縣下請復其舊二曰習禮



儀舊朔望釋菜有禮生唱贊諸生羣集令懈玩日久禮  
生不設諸生無一人至徒使皂隸贊拜於至聖之前媒  
慢孰甚請於六館中擇博學能禮者十人充太學禮生  
三年送吏部加等錄用仍令各邑監生朔望俱赴監隨  
班行禮畢以次升堂講書以習齒讓之儀三曰嚴學規  
國子諸生惟入監一試出監一咨祭酒司業為之登記  
姓名無所黜罰請自今有素行不端違悖條教者庶得  
其實徑行黜革其怠惰廢學者亦分別懲治之疏入皆  
奉 俞旨下部確議惟積分不果行餘如公所請公  
於是定禮儀大集六館之士使監丞以下官導之升降  
飴山文集

卷之十

三

出入親與司業坐而聽講示賞罰焉諸生莫不自奮觀  
者謂禮容之盛近未有也灤州監生杜士瑋者故戶部  
侍郎石申之僕竊其主之財且搆害焉石訴於監士瑋  
夜使人懷金詣公公怒疏糾之 勅順天撫臣具訊

正士瑋罪死獄中輿論大快舊例國子生試為八旗諸  
生教習三年優授知縣每屆試期奔競者眾公乃陽言  
緩其期忽出不意鍵戶而試之請託不得通取六十人  
皆知名士丁卯進詹事府少詹事兼翰林院侍講學士  
再死日講官是年六月侍 皇太子讀書於無逸齋賜  
坐賜食九月擢內閣學士兼禮部侍郎 太皇太后



不豫公與大學士以下皆在內直逮 宮駕上賓一

切考訂典禮及草創 制諭皆出公手戊辰二月

特旨授公吏部右侍郎尋兼翰林院學士充 經

筵講官時張汧獄急詞引部院大臣 上命吏部三

法司會鞫衆懼欲加嚴刑公不可曰箠楚之下何求不  
得萬一非 上意悔無及宜先取進止衆曰善既而

上果不欲窮治獄具遂無株連者吏部每歲試國  
子生年滿者分別授州同知縣丞等官請託公行不可  
詰公曰是亦名器也宜停考試比之選內外官以籤決  
之疏奏下九卿議咸有異詞覆奏日公復力陳其弊

飴山文集 卷之十 十四

上顧大學士曰侍郎言是事雖不行而 上眷注

寢厚六月轉左侍郎旋陞工部尚書部歲發柴炭銀八  
萬兩諸商積年侵虧至十萬急則先期一二歲展轉關  
支而債家羣伺其後公持之曰是不可與然此弊已久  
今欲繩以法若輩雖死無益於 國宜每歲少給二萬

兩第禁人要奪之亦不誤正供至五年悉償矣諸商感  
悅部例每興一工始則計其所需之數上之曰料估工  
既成則付所司核之曰銷筭類減其直從督工者追償  
焉甚且料估者并得罪所司懼為怨府居職者前後相  
諉不任事於是積大工四十有三十年無敢言銷筭者



公語同官曰是非體也曰奈何公曰當奏請於六部中  
擇郎官之賢而才者各二人分董其事既衆力易舉且  
示大公如公言奏之事得行不半歲積案一清衆咸推  
服已巳公以仕宦久遠先人墳墓弟楷前卒錢夫人  
亦逝公又未有子乃援遷葬例上疏請急奉 旨覽

卿奏請假遷葬情詞懇切准給假歸葬該部知道遂詣  
陛辭 上問行日撤 御饌賜之既抵里門脩

築先墓且葬錢夫人庚午子是揆生又明年壬申

特旨起公為刑部尚書公星馳以赴上日充 經筵

講官公在位務全人命有毫髮生路必出之同事者或

飴山文集

卷之十

五

持異同公宛轉苦至時復泪下皆感其誠而從之癸酉

特恩賜一品詔命贈封四世甲戌生次子名之曰

是平以多所平反也越三年丁丑臺臣有欲報夙怨者

歷詆諸大臣 上惡而斥之公疏自陳理因請致政

以歸歸而葺第宅治田園以教子為樂不復問戶外事

己卯 大駕南幸公迎於途 賜御書七種人復

法酒羊鹿之屬甚渥公上疏 謝復奉 俞旨蓋公

遭逢 聖主遇合始終之際可謂無憾者公既生有

夢徵童子時自然能為梵音與鐘魚相應長耽佛理晚

居司寇久活人無筭時時對獄囚涕泣若老比丘然非



所謂現宰官身者耶里居與緇侶遊無間每自言結習未忘但願臨命終時不生繫戀及薨之日果笑語無恙夕示痰嗽俄頃長逝其有所證矣公天性仁厚篤於一本兄之子是龍幼隨母轉徙他方存亡不可問公百計求得之為之聘娶援例為廣西懷集知縣弟之子三人皆視之如己出從弟鳳來有孤女公撫之厚於己女擇婿資遣之叔父長庸公之子大中公與相依四十年無間言其於異姓友生尤能以德報怨有同朝欲中傷公者其後得罪反賴公以生推獎士類如不及其或藉公成名久而畔去且反噬焉者公第嘆息泣下不少見詞

飴山文集

卷之十

六

色也公文章衣被海內所著鐵庵集授梓者十二卷餘藏於家公生於癸酉三月二日距其薨之歲六十有九年元配夫人錢氏贈一品夫人人生二女子繼室以氏封一品夫人實生二男子是揆年始十三聘同里故庾戌進士河南道監察御史趙廷珪女是平始九齡聘長洲戊辰進士兵部武選清吏司郎中何炯女長女適同里待選州同知張夢鶴次女適同里山西萬泉知縣瞿亮邦執信及公之門二十有五年於茲同在館閣者十年公視之如子恒語以家世及困時事公歸里後二年執信來棲公之書舍者兩月公以自著年譜反復相示



曰他日以累吾子執信聞之愴然今果如公言矣悲哉  
執信少而狂易久廢以來益復荒陋言無可取其何能  
贊一詞於公第歷舉其實不敢厚誣公生平以辱國  
史採擇庶幾乎其可自信者謹狀

飴山文集

卷之十

七

史採擇庶幾乎其可自信者謹狀

贊一詞於公第歷舉其實不敢厚誣公生平以辱國

史採擇庶幾乎其可自信者謹狀

贊一詞於公第歷舉其實不敢厚誣公生平以辱國



先府君行略

嗚呼不孝不侍先府君曾幾時矣忍遂以文字敘述府君耶府君行脩於家不事矜飾雖膺 封勅澹若寒

素固無容列狀史官以違夙尚抑家乘有闕寧非不孝之罪矧葬有期矣將以隧道之石請於能文君子其何所藉手焉謹次趙氏之先蓋自宋靖康間避地居蒙陰遺裔至今猶守墓木而譜牒亡矣先始祖諱平以明永樂初自蒙陰來益都之顏神鎮因家焉二世祖諱彥名有子二人長諱廷傑次諱廷毅廷毅歿別葬鎮城北五里後人近墓而居因號北趙而長支在鎮為南趙南趙

飴山文集

卷之十

六

自成化以還往往以鄉貢仕州縣北趙至先曾王父始以進士起家云自始祖逮先王父凡九世曾王父諱振業萬曆戊午舉人天啟乙丑進士知邯鄲縣政為天下第一擢御史以直言忤時相黜於外 國朝起為山西江南兩布政司叅議致仕累 封中大夫陝西布政

使司叅政先王父諱雙美拔貢生績學蓄德善聲著遠邇王母翟太君實生府君府君諱作肱字翼鄰於兄弟之次居二性沉敏不苟言笑幼為曾王父器重長而工文年十四補郡學弟子屢應鄉試不售日自刻苦學靡不究年三十有八以不孝執信始仕恭遇康熙二十年



覃恩封翰林院編脩文林郎乃棄去帖括業奉王  
父母於家孝友寬和敦仁履讓內外族黨殆無間言年  
四十有五居先王父之喪哀禮周至既葬與弟姪析產  
各聽所擇已無私焉然積憂勞遂得眩暈疾尋值先叔  
祖父福建按察使清止公諱進美疾革託以孤孫府君  
病不任事心常悵恨而王母就養於府君宅府君不以  
疾自逸偕先妣孫太孺人承歡朝夕無少違顏會先妣  
不幸棄世府君抑情自力兼殫內職四年如一日王母  
壽終八十有六時府君年五十五矣喪葬始終盡誠畢  
力無減先王父時然疾潛以深矣從叔父諱作肅者與

飴山文集

卷之十

九

府君年相亞性識相若情好尤篤得危疾府君與之訣  
痛割逾常情未幾遂患風痺言語蹇滯右手足不受命  
素不信醫竟不能除歷十有四年蓋府君行義著於家  
庭其病始於孝成於友殆性命以之云少事先世父甚  
恭世父動以聲色相加府君笑而受之無忤先七叔父  
十叔父早世府君撫其遺孤皆有成立七叔父第二子  
執規暴亡無棺府君輟所貯善木予之無吝色後執規  
兄弟日漸凋悴府君隨事周給憂之不去口至易簣時  
語僅可辨猶再四及之也府君外方嚴內平恕能忍人  
所不能忍尤好施予鎮東黑山出鐵石冶者所資府君



有田在焉羣從或欲專其利府君即委其田不復經理  
垂二十年後又連異姓爭之府君遽告諸官捐之貧人  
永無所與先王父有腴田百餘畝親翟君乞借以畊  
王父既歿翟子反諸府君府君不受曰吾不忍改先人  
也翟子歸而立私券據為祖產事發至官縣令毀其券  
奪田還主府君不能違猶虛懸其田不以入己岩頭寺  
僧鬻田與府君既而知近寺有豪者以是田故與僧有  
郤府君曰吾不與人競却施寺中不取其直其他葺理  
頽廢振恤交舊折券棄責之事殆不勝數及乎養疾閉  
門奉行者間有變易而府君心事則固昭然可質鬼神

飴山文集

卷之十

二十

爾教督不孝輩動循禮法無少假借不孝執信官京  
師始四五年府君恒來邸舍檢察之如在家塾南北師  
友莫不嘆服不孝校士山西府君計放榜之期星馳千  
餘里至太原聞士論歸美欣然經宿而返不令一人知  
也後以王父母年老稀復北上而不孝遂以踰閑被論  
聞者咸為扼腕府君曰進銳退速宜也趣之歸不以介  
意不孝年踰四十稍知涉世知己或欲相薦引府君固  
止之使安義命諸子弟讀書從師浸不能如曩者或小  
有出入終不敢聞之府君每燕見凜然有憚色焉府君  
好飲酒至數斗不亂先王父舊闢園林於秋谷之北范



泉之南疏池構亭擅一方之勝府君增其臺榭殖其卉木名之曰因園自春徂秋無日不往往則具壺觴命絲竹坐客則周親老友侍以弟姪兒孫聽歌對奕流連共醉歲以為常守土官長及殊方勝流造訪者率以疾辭其有徑詣園中者亦藹然延納屣履杖藜談笑無倦語不及朝廷事或以郡縣利弊相諮者亦不訓答識者咸謂風致似謝太傅而曠遠不啻過之遊人至者無問文俗或識與不識分泉占樹聽其自適有鷗鳥忘機之意故數百里內靡不愛慕七十生日釀錢載酒拜而為壽者充溢衢市卒之日咨嗟涕洟者亦如之蓋非漫而

鉛山文集

卷之十

三

得此者矣府君生於順治元年三月二十三日子時卒於康熙五十四年十一月十五日戌時享年七十有二今卜以康熙五十五年九月十七日葬於三世祖塋之東北先王父之次元配先妣孫氏淄川太學生禹年公諱琰齡女父德母教冠於一家與府君相敬如賓

勅封太孺人前府君二十年卒府君自為之狀竟不再娶今合葬焉生不孝男五人長執信戊午舉人已未進士文林郎前右春坊右贊善蕪翰林院檢討娶孫氏同里



毅監生娶蒲氏淄川順治丁酉舉人諱振纓女前卒繼  
娶謝氏章邱官監生諱琮女次執蒲廩膳生娶朱氏大  
興故明巡撫宣大都察院左僉都御史死節謚忠莊諱  
之馮孫女丁未進士吏部文選清吏司主事諱敦厚女  
前卒次執黃附學生娶劉氏長山江南潁州兵備道布  
政使司叅議諱孔中孫女封翰林院檢討加一級儒林  
郎耐女次執綏附學生娶翟氏同縣順治丙戌進士陝  
西清軍驛傳道按察使司副使諱文賁孫女甲子舉人  
內閣中書舍人諱豫年女女子二人長適同里董繩祚  
前卒次適同里壬午舉人張虞言孫男十有二人執信

飴山文集

卷之十

三

出者六愚附學生娶張氏鄒平遵憲女前卒繼娶翟氏  
同縣純女慙附學生前卒娶畢氏淄川戊午解元諱世  
持女慙附學生娶唐氏淄川候選國子監典簿行學女  
念總慶俱未聘執毅出者二懿娶張氏鄒平候選儒學  
訓導空女慈聘孫氏淄川監生斯銘女執蒲出者三熹  
娶孫氏淄川庠生允澍女前卒繼娶艾氏濟陽歲貢生  
繼佳女意娶高氏淄川候選州同知之駮女憑娶朱氏  
大興庠生諱復女執黃出者一志聘劉氏長山庠生大  
有女孫女十有二人執信出者三一適淄川庠生孫聿  
枚一字同縣翟成性一未字執毅出者二一適同縣監



生翟大業一字淄川康憲先執蒲出者五一適淄川貢  
生張淑慶一字鄒平張秉鑄其三未字執黃出者二一  
適同縣仇岱瑛一未字曾孫男六人愚出者一頑幼未  
聘慙出者一頑聘成氏鄒平監生荃女慈出者二頑願  
懿出者一頑意出者一顯俱幼未聘曾孫女四人慙出  
者一慈出者一意出者二俱未字不孝積病荒迷久荒  
筆墨況在草土追維往事什不得一其又安能為辭惟  
哀憐採擇焉

鉛山文集

卷之十

三



亡室孫孺人行略

余妻孫孺人既逝七閱月將葬誌墓之石當有所請余不敢以閨閣之行輕冒當代君子余又蕪陋何能以文詞增伉儷之重病中紀錄粗舉其略庶家乘無闕焉孺人為同里內祕書院大學士孫文定公之孫而光祿寺掌醢署正孝堪公之第二女也母新城王氏拔貢生萊澳公之女孺人生十七歸余十八從宦京師二十恭遇覃恩封孺人二十八從余放歸三十三經先妣太孺人之喪三十五而病病不已至四十六而卒始孺人幼而端敏得大父母父母之愛大母宋太君每有親族之會輒譽孺人先妣聞之色喜既于歸果有明順之德雖恒在都下承歡日少而不蓄私財不欺情願坦白真篤始終如一久彌見信甲戌先妣寢疾孺人身先娣似承事百端疾且革孺人跪榻前累夜目眈不交膝為之穿先妣極口稱其孝不絕比年事家大人晨昏鉅細無少違身既困憊意倍詳至故家大人深痛焉事外家父母劑其喜愠時其乏少殆丈夫子所難然未嘗有一絲一粟不使余知待兩家兄弟大都輕利忍諾棄尤歸好有不可以殫書者矣余少而食貧官清署饘粥不充孺人以貴家女終日拮据無忤色每聽余語古今成敗及



往哲言行必欣然不倦故余服官十載得以堅其所守  
不聞交謫又性通亮能料事余為飲席所邀孺人尼之  
曰君才多忌宜慎小節余不從果被斥既歸困甚加以  
兒女浸多未除先妣之服即奔走四方至於今未息而  
居室苟合婚娶以時內外井井無反顧憂非孺人之力  
固無以及此孺人待子女寬而正御妾媵簡而恩至於  
婢僕輩煦煦嘻嘻不知寒餓憂怖里居垂二十年受惠  
者頌之其聞而稱其賢者萬口如一也卒之日遠邇涕  
洩相告報而家庭之內尊卑老幼咸不勝其悲是豈可  
以為而致與孺人生平名德無慙子孫不乏生榮死哀

飴山文集

卷之十

五

微乎云爾亦可謂難焉者所不足者年焉而已悲哉孺  
人生於康熙元年四月二十四日丑時卒於康熙四十  
六年二月十九日巳時今卜以九月十一日葬於鎮城  
北趙莊之西阜子男子五人長愚縣附學生娶張氏余  
表弟鄒平張遵憲女次贛縣附學生娶畢氏余同年戊  
午解元淄川畢世持女次懸娶唐氏候補國子監典簿  
淄川唐行學女次念次總俱幼未聘女子一人未字孫  
男二人長湏幼未聘次顯孺人歿後五月始生俱愚出  
孫女一人未字懸出夫以善疾失意之人執筆而臨死  
生之際情固難以自達又况於夫婦之間無怪乎其言



之而不能盡也

飴山文集卷之十終

卷之十

三



